

Тошкент давлат юридик университети
кенгашининг навбатдан ташқари 3-сон мажлис
БАЁННОМАСИ

2020 йил 6 ноябрь

Тошкент шаҳри*

Раислик қилди: Р.Хакимов – ректор.

Кенгаш аъзолари: И.Рустамбеков, А.Ҳошимхонов, Н.Салаев, Д.Умаров, А.Иминов, Ш.Сайдуллаев, Б.Ходжаев, Д.Умархонова, А.Матмуротов, Д.Маҳкамов, Б.Мусаев, Х.Очилов, Д.Базарова, М.Қурбонов, О.Нарзиев, Н.Гафурова, Н.Имомов, Д.Хабибуллаев, Х.Раджабов, Ш.Исмоилов, Г.Узакова, С.Муратаев, Г.Носирходжаева, Д.Доқучаев, Ш.Хўжаев, О.Тошматов, С.Юсупов, Д.Камалова, Н.Рамазонов, Ш.Пўлотов, И.Эргашев, А.Бабаджанов, Ш.Якубов, Ж.Вафоев, М.Турсунов, А.Якубов, И.Джураев

Б.Норматов – кенгаш котиби.

Мажлисга Университет таркибий бўлим раҳбарлари.
таклиф этилганлар:

Кун тартиби:

1. Тошкент давлат юридик университети балансидаги мавжуд автотранспорт воситаларининг йўл босиш йиллик лимитини тасдиқлаш ҳақида

(проректор в.б. А.Иминов ахбороти);

2. 2020/2021 ўқув йили учун Ўзбекистон Республикаси Адлия вазирлиги юридик техникумларида таълим беришнинг кредит-модуль тизими шароитида педагог ходимларнинг меҳнатини меъёрлаштириш, иш вақтини фақат ўқув тадбирларидан иборат педагог ходимларнинг шахсий иш режасидаги тадбирлар рўйхати ва уларнинг минимал соатларини ҳамда педагог ходимларнинг йиллик шахсий иш режаси ва гуруҳ журнали шаклини тасдиқлаш тўғрисида

(проректор Д.Умаров ахбороти).

3. Энг яхши мақола танловига талабаларни тавсия этиш тўғрисида

(Марказ директори Ш.Пўлотовнинг ахбороти)

4. Давлат стипендияларига эълон қилинган танловда иштирок этиш учун номзод талабаларни тавсия этиш

(Марказ директори Ш.Пўлотовнинг ахбороти)

(Р.Хакимов, А.Иминов, Д.Умаров, Ш.Пўлотов, Р.Хакимов)

*Университет кенгашининг мажлис йиғилиши “Zoom” дастурий воситаси орқали онлайн видеоконференция кўринишида ўтказилди. Видеоконференция индентификатори. 847 6504 2833

Тошкент давлат юридик университети кенгаши мажлисини кенгаш раиси Р.Хакимов олиб борди ва кенгашда кворум мавжудлигини қайд этиб, кенгаш мажлисини очик деб эълон қилди. Кенгаш мажлисининг кун тартиби ва регламенти кенгаш томонидан тасдиқланди.

Кун тартибидаги биринчи масала – Тошкент давлат юридик университети балансидаги мавжуд автотранспорт воситаларининг йўл босиш йиллик лимитини тасдиқлаш ҳақида бўлиб, мазкур масала бўйича проректор в.б. А.Иминовнинг ахбороти эшитилди.

Мазкур масала юзасидан проректор в.б. А.Иминов сўзга чиқиб, Ўзбекистон Республикаси Вазирлар Маҳкамасининг 2020 йил 30 октябрдаги “Ўзбекистон Республикаси адлия вазирлиги юридик техникумлари фаолиятини такомиллаштиришга доир қўшимча чора-тадбирлар тўғрисида”ги 677-сон қарорининг 4-банди д-кичик бандига мувофиқ университет ва юридик техникумларда автотранспорт воситаларининг йўл босиш йиллик лимити, нормативлари ва уларга хизмат кўрсатиш талаблари тегишлича университет ва юридик техникумлар томонидан мустақил белгиланишини қайд этди.

Шунингдек, Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон фармони ижросини таъминлаш, шунингдек халқаро тан олинган ташкилотлар рейтингларидаги энг яхши мингталиikka кирувчи олий таълим муассасалари рўйхатига киритиш ҳамда миллий рейтингдаги ўрнини юксалтириш, университет фаолияти самарадорлигини ошириш, шу билан бирга, университетга бевосита Ўзбекистон Республикаси Адлия вазирлиги юридик техникумларининг ўқув-методик жараёнини мувофиқлаштириш, уларга амалий ва ахборот-ресурс жиҳатидан кўмаклашиш вазифалари юклатилганлиги, доимий равишда уларнинг ўқув жараёнини бевосита жойларга чиқиб ўрганиш, мавжуд камчиликларни жойида бартараф этиш ва тавсиялар бериш каби ишларни самарали бажаришда автотранспорт воситаларидан мақсадли фойдаланиш катта самара беришини таъкидлаб ўтди.

Шу сабабли, университетнинг автотранспорт воситаларининг йиллик йўл босиш лимитини қуйидагича белгиланилиши мақсадга мувофиқлиги тўғрисида таклиф келтириб ўтди:

шахсан бириктирилган хизмат автотранспорт воситаси учун – 35 200 (км)гача , жумладан ойлик йўл босиш – 3 200 (км)гача;

навбатчи автотранспорт воситаси учун – 33 000 (км)гача, жумладан ойлик йўл босиш – 3 000 (км)гача;

махсус автотранспорт воситаси (автобус) – 12 320 (км)гача, жумладан ойлик йўл босиш – 1 120 (км)гача.

Юқоридагилардан келиб чиқиб, кенгаш аъзоларидан мазкур таклифни тасдиқлаб беришни сўради.

Раислик этувчи мазкур масала юзасидан тайёрланган қарор лойиҳаси бўйича қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ

1. Тошкент давлат юридик университети балансидаги мавжуд автотранспорт воситаларининг йўл босиш йиллик лимитини тасдиқлаш ҳақида проректор в.б. А.Иминовнинг ахбороти маълумот учун қабул қилинсин.

2. Университетнинг автотранспорт воситаларининг йиллик йўл босиш лимити қуйидагича белгилансин:

шахсан бириктирилган хизмат автотранспорт воситаси учун – 35 200 (км)гача , жумладан ойлик йўл босиш – 3 200 (км)гача;

навбатчи автотранспорт воситаси учун – 33 000 (км)гача, жумладан ойлик йўл босиш – 3 000 (км)гача;

махсус автотранспорт воситаси (автобус) – 12 320 (км)гача, жумладан ойлик йўл босиш – 1 120 (км)гача.

3. Мазкур қарорнинг бажарилишини назорат қилиш проректор в.б. А.Иминов зиммасига юклансин.

Кун тартибидаги иккинчи масала – 2020/2021 ўқув йили учун Ўзбекистон Республикаси Адлия вазирлиги юридик техникумларида таълим беришнинг кредит-модуль тизими шароитида педагог ходимларнинг меҳнатини меъёрлаштириш, иш вақтини фақат ўқув тадбирларидан иборат педагог ходимларнинг шахсий иш режасидаги тадбирлар рўйхати ва уларнинг минимал соатларини ҳамда педагог ходимларнинг йиллик шахсий иш режаси ва гуруҳ журнали шаклини тасдиқлаш тўғрисида бўлиб, мазкур масала юзасидан проректор Д.Умаровнинг ахбороти эшитилди.

Мазкур масала юзасидан проректор Д.Умаров сўзга чиқиб, Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон Фармониға мувофиқ юридик техникумларда 2020/2021 ўқув йилидан бошлаб ўқув жараёни кредит-

модуль тизимини қўллаган ҳолда ташкил қилингани, Тошкент давлат юридик университетига юридик техникумлар педагог ходимларининг меҳнатини меъёрлаштиришни мустақил амалга ошириш ҳуқуқи берилганини қайд этди.

Шунингдек, Ўзбекистон Республикаси Вазирлар Маҳкамасининг 2020 йил 30 октябрдаги 677-сон “Ўзбекистон Республикаси Адлия вазирлиги юридик техникумлари фаолиятини такомиллаштиришга доир қўшимча чоратадбирлар тўғрисида”ги қарорига мувофиқ юридик техникумларда педагог ходимларнинг шахсий иш режасидаги тадбирлар рўйхати ва уларнинг минимал соатлари ТДЮУ томонидан тасдиқланиши белгиланганини қайд этди.

Шунга кўра, Ўзбекистон Республикаси Адлия вазирлиги юридик техникумлари педагог ходимларнинг шахсий иш режасидаги ўқув тусдаги тадбирлар рўйхати ва уларнинг соат миқдорларини қуйидагича белгилашни таклиф этди:

Ўқув (маъруза, амалий, семинар ва лаборатория) машғулотларини ўтказиш учун – 2 академик ўқув соат; бунда маъруза, семинар ва амалий машғулотлари 1 контакт соати (40 дақиқа)га тенг;

Маслаҳатлар ўтказиш: битта фанга (битта гуруҳ учун) кафедрадан масъул ўқитувчига (бир семестр учун) 5 соат; масофавий таълим доираси ҳар бир фан бўйича кафедрадан масъул ўқитувчи учун (бир семестр учун) 6 соат;

Маъруза ва семинар (амалий) машғулотларига тайёргарлик кўриш – жаъми контакт соатларининг 20% миқдорида;

Ёзма иш шаклида оралиқ ва якуний назоратларни текшириш – ҳар бир ўқувчи учун – 0,5 соат (бунда текширилган оралиқ назорат ёзма иши ва якуний назорат ёзма ишининг ҳар бирига алоҳида 0,25 соат ажратилади);

Ўқувчилар амалиётига раҳбарлик қилиш, уларнинг ҳисоботларини текшириш ва қабул қилиш, амалиёт бўйича ҳисоботларни текшириш ва баҳолаш – ўқув амалиётига раҳбарлик қилиш бир иш кунига – 6 соат;

Якуний назорат ёзма имтиҳонларида назоратчи сифатида иштирок этиш – битта фан бўйича аудитория раҳбари ёки кузатувчиси сифатида иштирок этганлик учун – 2 соат; ҳар бир педагог ходимга бир ўқув йилида 25 мартабагача назоратчиликда иштирок этиш бириктирилиши мумкин;

Ўқувчилар билимини аниқлаш бўйича назорат турлари (оралиқ ва якуний назорат) учун мантиқий саволлар, муаммоли масалалар (казуслар), иш юритиш ҳужжатларини мустақил тузишга қаратилган вазифалар ишлаб чиқиш – ёзма шаклдаги оралиқ назоратга 1 та казус учун – 1 соат, ёзма шаклдаги якуний назоратга 1 та мантиқий савол учун – 0,5 соат, 1 та казус учун – 1 соат;

Фаннинг электрон модуль папкасини яратиш – фаннинг битта электрон модуль папкаси учун – 50 соат, мавжуд электрон модуль папкани янгилаш учун – 10 соат;

Юридик клиника фаолиятида иштирок этиш – ўқув йилида бир кафедра учун 60 соат (бир семестр учун 30 соат);

Якуний давлат аттестациясини ўтказиш – ёзма иш шаклида бир поток (3 та академ гуруҳ) учун – 2 соат, оғзаки шаклда битта ўқувчи учун – 0,2 соат, ижодий ишларда битта ўқувчи учун – 0,2 соат, ёзма иш (ижодий иш)ни текшириш учун ҳар бир ишга – 0,3 соат, тест шаклида битта ўқувчи учун – 0,2 соат. Якуний давлат аттестация комиссияси раисига комиссиянинг битта аъзоси учун бериладиган жами соатга қўшимча равишда 20% қўшилади;

Якуний давлат аттестацияси комиссияси таркибини олдиндан аниқлаш имконияти бўлмаган тақдирда, комиссияси аъзолари (кузатувчи педагог ходим)га комиссия ўз ишини тугатгандан сўнг, соатбай ҳақ тўланади; соатбай иш тури педагог ходимнинг йиллик шахсий иш режасига киритилмайди.

Шунингдек, педагог ходимларнинг бир ўқув йили доирасида ўқув тусдаги тадбирлари энг кам миқдори қуйидагича белгиланиши тавсия этилди:

кафедра мудири / фан доктори / профессор – 25 кредит, жами 500 соат, ундан 250 соати аудитория (контакт) соат.

фан номзоди / доцент / бош ўқитувчи – 35 кредит, жами 750 соат, ундан 350 соати аудитория (контакт) соат.

катта ўқитувчи / етакчи ўқитувчи / ўқитувчи – 40 кредит, жами 750 соат, ундан 400 соати аудитория (контакт) соат.

Мазкур ҳолатда педагог ходимлар ўқув йили доирасида ўқув юкламаси ўқув тусдаги тадбирлардан иборат бўлади, кафедра баённомаси билан ўқув тусдаги тадбирлар кафедра педагог ходимлари ўртасида тақсимланади. Кафедра томонидан педагог ходимлар ўртасидаги аудитория (контакт) соатлар ҳажми тақсимооти йиллик иш режасидаги умумий соатлардан чиқмаган ҳолда бошқа турдаги ўқув тусдаги тадбирлар билан 30% гача ўзгартирилиши (камайтирилиши ёки кўпайтирилиши)га рухсат этилиши, ўқув юкламаси бўйича ҳисобланган соатлар ҳажми юридик техникумларнинг штат бирликлари сонини ҳамда педагог ходимларнинг ойлик маошларини белгилаш учун асос бўлмаслиги, штат бирликлари педагог ходимларнинг ўқувчилар сонига нисбати бўйича, ойлик маоши эса харажатлар сметаси бўйича тегишли норматив-ҳуқуқий ҳужжатлар асосида белгиланишини қайд этди.

Шу билан бирга, кредит тизими талабларидан келиб чиққан ҳолда юридик техникумларнинг педагог ходимлари йиллик шахсий иш режаси ва ўқувчилар гуруҳ журналининг ҳам янги шакли ишлаб чиқилганини қайд этди.

Юқоридагилардан келиб чиқиб, 2020/2021 ўқув йили учун юридик техникумларда таълим беришнинг кредит-модуль тизими шароитида педагог ходимларнинг таркиби меҳнатини меъёрлаштириш, иш вақтини фақат ўқув тадбирларидан иборат педагог ходимларнинг шахсий иш режасидаги тадбирлар рўйхати ва уларнинг минимал соатларини ҳамда педагог ходимларнинг йиллик шахсий иш режаси ва гуруҳ журналлари шакллари тасдиқлаб беришни кенгаш аъзоларидан сўради.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. 2020/2021 ўқув йили учун Ўзбекистон Республикаси Адлия вазирлиги юридик техникумларида таълим беришнинг кредит-модуль тизими шароитида педагог ходимларнинг меҳнатини меъёрлаштириш, иш вақтини фақат ўқув тадбирларидан иборат педагог ходимларнинг шахсий иш режасидаги тадбирлар рўйхати ва уларнинг минимал соатлар миқдорини ҳамда педагог ходимларнинг йиллик шахсий иш режаси ва гуруҳ журнали шаклини тасдиқлаш тўғрисида проректор Д.Умаровнинг ахбороти маълумот ва ижро учун қабул қилинсин.

2. 2020/2021 ўқув йили учун юридик техникумлар педагог ходимларининг шахсий иш режасидаги тадбирлар рўйхати ва уларнинг соат миқдорлари ҳамда ўқув тусдаги тадбирларнинг энг кам миқдори 1-иловага мувофиқ тасдиқлансин.

3. Ўқитишнинг кредит-модуль тизими ўзига хос хусусиятларидан келиб чиққан ҳолда юридик техникумлар педагог ходимларининг йиллик шахсий иш режаси шакли 2-иловага мувофиқ ҳамда гуруҳ журнали шакли 3-иловага мувофиқ тасдиқлансин.

4. Узлуксиз таълим бошқармаси (в.б. Д.Абдукадиров) ва юридик техникум директорлари:

юридик техникумлар педагог ходимлари ўртасида ўқув тусдаги тадбирлар ва уларнинг соатларини 2020/2021 ўқув йили доирасида педагог ходимлар учун белгиланган ўқув тусдаги тадбирларнинг энг кам миқдорига асосланган ҳолда тақсимлаш чораларини кўрсин;

юқорида қайд этилган ўқув тусдаги тадбирлар ва уларнинг соатларидан келиб чиққан ҳолда педагог ходимларнинг йиллик шахсий иш режаси тўғри расмийлаштирилишини таъминласин;

2020 йилнинг 15 ноябрга қадар педагог ходимларнинг йиллик шахсий иш режасини расмийлаштириш ишларини якунласин ва деканат томонидан умумлаштирилган ҳамда тасдиқланган ҳолда Ўқув-услубий бўлимга тақдим этилиши таъминлансин.

5. Юридик техникум декани педагог ходимнинг йиллик шахсий иш режасида назарда тутилган ўқув тусдаги тадбирларнинг тегишли кафедра педагог ходимлари томонидан сифатли ва белгиланган муддатларда бажарилишини назорат қилсин.

6. Мазкур қарорнинг бажарилишини назорат қилиш проректор Д.Умаров зиммасига юклансин.

Кун тартибдаги учинчи масала – Энг яхши мақола танловига талабаларни тавсия этиш тўғрисида бўлиб, ушбу масала бўйича Маънавият ва маърифат маркази директори Ш.Пўлотовнинг ахбороти эшитилди.

Мазкур масала юзасидан марказ директори Ш.Пўлотов сўзга чиқиб, Ўзбекистон Республикаси Олий ва ўрта махсус таълим вазирлиги, Ўзбекистон Республикаси истеъдодли ёшларни қўллаб-қувватлаш “Улуғбек” жамғармаси ва Ўзбекистон Республикаси Ёшлар ишлари агентлиги ҳамкорлигида йилнинг энг яхши мақоласи танловини ўтказилиши белгилангани, мақолалар танлови 11 та мавзу доирасида ўтказилиши режалаштирилганини таъкидлаб ўтди.

Шунингдек, танлов бўйича университетнинг ижтимоий тармоқлардаги саҳифалари орқали эълон берилгани ҳамда ходим ва талабалар ўртасида тушунтиришлар олиб борилгани, талабалар орасидан танловга иштирок этиш учун 2 та мавзу бўйича ишлар тақдим этилгани, тақдим этилган мақолалар илмий раҳбарлар томонидан атрофлича кўриб чиқилгани ҳамда танлов низомида белгиланган талаблар асосида расмийлаштирилгани, мақолалар юзасидан тақризлар тақдим этилгани, қуйидаги талабалар танловнинг 2 та йўналиши бўйича иштирок этиш истагини билдирганини қайд этди:

“Она тилим – жону дилим” мавзуси бўйича Халқаро ҳуқуқ ва қиёсий ҳуқуқшунослик факультети 1-босқич талабаси Арсланова Суғдиёна, илмий раҳбари Ўзбек тили ва адабиёти кафедраси мудири Нодир Рамазонов;

“Мен танлаган касб” мавзуси бўйича Жиноий одил судлов факультети 4-босқич талабаси Мамажонова Сабина, илмий раҳбари “Жиноят ҳуқуқи, криминология ва коррупцияга қарши курашиш” кафедраси доценти Хуршида Абзалова.

Шу билан бирга, мазкур танлов низомида танловда иштирок этиш учун олий таълим муассасалари кенгаши тавсияси берилиши зарурлиги белгилаб

ўтилганлиги сабабли, мазкур танловга иштирок этувчи номзодларни тавсия этишни тасдиқлаб беришни кенгаш аъзоларидан сўради.

Раислик этувчи мазкур масала юзасидан тайёрланган қарор лойиҳаси бўйича қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ

1. Энг яхши мақола бўйича эълон қилинган танловда иштирок этиш учун номзод талабаларни тавсия этиш тўғрисида Маънавият ва маърифат маркази директори Ш.Пўлотовнинг ахбороти маълумот учун қабул қилинсин.

2. Ўзбекистон Республикаси Олий ва ўрта махсус таълим вазирлиги, Ўзбекистон Республикаси истеъдодли ёшларни қўллаб-қувватлаш “Улуғбек” жамғармаси ва Ўзбекистон Республикаси Ёшлар ишлари агентлиги ҳамкорлигида йилнинг энг яхши мақоласи танловида иштирок этиш учун қуйидаги талабалар тавсия этилсин:

“Она тилим – жону дилим” мавзуси бўйича Халқаро ҳуқуқ ва қиёсий ҳуқуқшунослик факультети 1-босқич талабаси Арсланова Суғдиёна, илмий раҳбари Ўзбек тили ва адабиёти кафедраси мудири Нодир Рамазонов;

“Мен танлаган касб” мавзуси бўйича Жиноий одил судлов факультети 4-босқич талабаси Мамажоновна Сабина, илмий раҳбари “Жиноят ҳуқуқи, криминология ва коррупцияга қарши курашиш” кафедраси доценти Хуршида Абзалова.

3. Мазкур қарорнинг бажарилишини назорат қилиш проректор А.Ҳошимхонов зиммасига юклансин.

Кун тартибидаги тўртинчи масала – Давлат стипендияларига эълон қилинган танловда иштирок этиш учун номзод талабаларни тавсия этиш тўғрисида бўлиб, ушбу масала бўйича Маънавият ва маърифат маркази раҳбари Ш.Пўлотовнинг ахбороти эшитилди.

Мазкур масала юзасидан марказ директори Ш.Пўлотов сўзга чиқиб, Ўзбекистон Республикаси Вазирлар Маҳкамасининг 2008 йил 13 октябрдаги “Ўзбекистон иқтидорли ёшларини тақдирлаш ва моддий рағбатлантириш тўғрисида”ги 226-сон қарорида Давлат стипендияларига номзодларни тавсия этиш тартиби белгилангани, унга кўра давлат стипендияларини тайинлаш учун номзодлар кўрсатиш давлат олий таълим муассасалари илмий кенгашлари томонидан, талабгорларнинг ўқув ва илмий фаолиятларини

оммавий муҳокама қилиш асосида амалга оширилиши белгиланганини қайд этиб, давлат стипендияларига номзод сифатида тавсия этилиши учун қуйидаги номзодлар ҳақида маълумотларни келтириб ўтди:

Давлат стипендияларига номзод сифатида тавсия этилиши учун қуйидаги номзодлар даъвогарлик қилмоқда.

Алишер Навоий номидаги давлат стипендиясига:

1-номзод “Жиноий одил судлов факультети” талабаси Тўрақулова Назира Абдушукур қизи,

Илмий раҳбари Жиноят процессуал ҳуқуқи кафедраси мудири, юридик фанлари номзоди, профессор в.б Д.Базарова;

2-номзод “Жиноий одил судлов факультети” талабаси Собиров Саидбек Махмудович,

Илмий раҳбари Суд ва ҳуқуқни муҳофаза қилувчи органлар ва адвокатура кафедраси мудири, юридик фанлар бўйича фалсафа доктори Д.Камалова.

Ислом Каримов номидаги давлат стипендиясига:

“Оммавий ҳуқуқ факультети” талабаси Истамова Дилафруз Ойбек қизи,

Илмий раҳбари Оммавий ҳуқуқ факультети декани, юридик фанлари номзоди, профессор Ш.Сайдуллаев.

Шунингдек, мазкур номзодлар билан танлов комиссияси ҳамда тегишли кафедралар билан суҳбатлар асосида уларнинг билим даражаси синовдан ўтказилгани, талабгор талабаларнинг ўқиш давомидаги ўзлаштириш даражалари, улар томонидан амалга оширилган ва чоп этилган ишлар ҳамда қўлга киритилган ютуқлари, даъвогар талабаларнинг фаолияти бўйича фикрномалар ва илмий раҳбари томонидан тақдим этилган хулосалар акс эттирилган йиғма жилдлари шакллантирилгани ва университет Кенгашига тақдим этилганини қайд этди.

Юқоридагилардан келиб чиқиб, мазкур талабаларнинг номзодларини давлат стипендияларига тавсия этишни кенгаш аъзоларидан тасдиқлаб беришни сўради.

Раислик этувчи мазкур масала юзасидан тайёрланган қарор лойиҳаси бўйича қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ

1. Давлат стипендияларига эълон қилинган танловда иштирок этиш учун номзод талабаларни тавсия этиш тўғрисида Маънавият ва маърифат маркази директори Ш.Пўлотовнинг ахбороти маълумот учун қабул қилинсин.

2. 2020/2021 ўқув йили учун бакалаврият таълим йўналиши бўйича эълон қилинган номли давлат стипендияларига қуйидаги номзодлар тавсия этилсин.

Алишер Навоий номидаги давлат стипендиясига:

1-номзод “Жиноий одил судлов факультети” талабаси Тўрақулова Назира Абдушукур қизи ҳамда унинг илмий раҳбари Жиноят процессуал ҳуқуқи кафедраси мудири, юридик фанлари номзоди, профессор в.б. Д.Базарова;

2-номзод “Жиноий одил судлов факультети” талабаси Собиров Саидбек Махмудович ҳамда унинг илмий раҳбари Суд ва ҳуқуқни муҳофаза қилувчи органлар ва адвокатура кафедраси мудири, юридик фанлар бўйича фалсафа доктори Д.Камалова.

Ислом Каримов номидаги давлат стипендиясига:

“Оммавий ҳуқуқ факультети” талабаси Истамова Дилафруз Ойбек қизи ҳамда унинг илмий раҳбари Оммавий ҳуқуқ факультети декани, юридик фанлари номзоди, профессор Ш.Сайдуллаев.

3. Маънавият ва маърифат маркази (Ш.Пўлотов) номзодларнинг зарур ҳужжатларини белгиланган талаблар асосида расмийлаштириб танловнинг иккинчи босқичида иштирок этиш учун уларнинг шахсий ҳужжатлар йиғма жилдини **белгиланган муддатдан кечиктирмай** Ўзбекистон Республикаси Олий ва ўрта махсус таълим вазирлигига тақдим этилишини таъминласин.

4. Маънавият ва маърифат маркази (Ш.Пўлотов) ҳамда факультет деканлари:

Университетда Ўзбекистон Республикаси Президенти ҳамда номли давлат стипендиялари, халқаро ва республика танловлари ғолиблари салмоғини ошириш бўйича зарур чораларни амалга оширсин;

талабалар орасида мунтазам равишда турли танлов ва лойиҳалар ўтказиш орқали уларнинг иқтидорларини ошириш чораларини кўрсин;

иқтидорли талабалар рўйхатини шакллантириб, улар билан тизимли ишлаш ва натижадорликка эришиш чораларини кўрсин;

йўналишлар бўйича ўтказилган танлов ва лойиҳаларда муносиб иштирок этиб, натижага эришган талабаларнинг ютуқларини оммалаштириш чораларини кўрсин ҳамда уларни муносиб рағбатлантириш бўйича таклифлар тайёрлаб борсин.

5. Ўзбекистон Республикаси Президенти ҳамда номли давлат стипендиялари, халқаро ва республика танловларида иштирок этиши учун талабаларни тайёрлаган ва натижага эришган профессор-ўқитувчилар муносиб равишда рағбатлантирилиши белгилаб ўтилсин.

6. Мазкур қарорнинг бажарилишини назорат қилиш проректор А.Ҳошимхонов зиммасига юклансин.

Кенгаш раиси



Р.Ҳакимов

Кенгаш котиби

Б.Норматов